

Lainari AFQ

Lainaria AFQ

Holztechnik

Architektur

Gebäudetechnik, Innenausbau

Holztechnik

Sco lainaria u lainari construeschas e reparas ti edificizis da lain sco chasas, clavads, fatschadas u punts. Ti installeschas tetgaglias, pia las puntanadas d'in tetg, fas stgalas e portas. Ti fixeschas aissas da lain vi da paraids e palantschieus sura. Ultra da quai mettas ti palantschieus, installeschas fanestras ed isoleschas chasas.

Incumbensas

Lavurar en il lavuratori

- far mesiraziuns, disegnar plans e skizzas, a maun u al computer cun programs CAD
- tscherner la laina adattada, calcular la quantitat da laina necessaria ed empustar quella tar ina resgia u tar fatschentas da laina
- mesirar, far marcaziuns e tagliar laina
- elavurar elements da laina cun differentas maschinas e differentes utensils, p.ex. resgiar, furar u splanar
- tractar la laina, p.ex. dar si lac
- preparar, nudar ed eventualmain numerar elements da lain finids per il transport sin il plazzal

Lavurar sin il plazzal

- preparar utensils, auzaders e maschinas ed als transportar ensemen cun ils elements da lain sin il plazzal
- montar elements da lain ed eriger construcziuns da lain, p.ex. tetgaglias, tavlegiads e tavladiras dal palantschieu sura, stgalas u roms da fanestras
- montar stresas da protecziun, isolaziuns termicas ed acusticas sco er elements da construcziun supplementars, sco p.ex. collecturs solars
- remplazzar elements da lain u reparar parts existentas e tgirar il lain en cas da renovaziuns
- mantegnair utensils, apparats e maschinas
- applitgar las reglas da la protecziun da l'ambient e da lavur

Ambient da lavur

Sco lainaria u lainari lavuras ti en lavuratori e sin plazzals. En quest connex portas in equipament da protecziun, sco p.ex. chalzers cun chapitsch d'atschal, chapellina u tschintas per sa segirar. Ti lavuras savens en teams. Tia lavur dependa fermamain da l'aura. Pervia da quai stos ti coordinar tia lavur cun las autras persunas spezialisadas sin il plazzal.

Ti lavuras en lainarias da tuttas grondezzas u en manaschis industrials che sa spezialiseschan sin prefabricats u sin la construcziun da chasas. Suentar intgins onns experientscha professiunala e cun la furmaziun supplementara correspondentia pos ti surpigliar posiziuns directivas, p.ex. sco manadra d'in lavuratori, capolavurer da construcziun en lain u poliera da construcziun da lain.

Pretensiuns e interess

Pretensiuns

- Inschign manual
- Imaginaziun tridimensiunala
- Dun per cifras

- Resistenza corporala
 - Resistenza a la temperatura u a l'aura
 - Senza sturnizi
 - Abilitad da lavurar en in team
-

Interess

- Elavurar lain
- Planisar, construir, far dissegn tecnic
- Esser corporalmain activ
- Lavurar en il team
- Lavurar cun maschinas

Scolaziun

Manaschis

Furmaziun pratica en ina lainaria u ina interpresa da construcziun en lain: 4 dis per emna

Scola

1 di per emna en las scolas professiunalas spezialisadas chantunalas

Curs odaifer il manaschi

En plirs chantuns: 48 dis durant 4 onns

Durada

4 onns

Cundiziuns d'admissiun

Terminà la scola obligatorica

Maturitad professiunala

Sche las prestaziuns da scola èn fitg bunas, pon las emprendistas ed ils emprendists frequentar supplementarmain la scola da maturitad professiunala.

Titel da finiziun

Furmaziun cuntinuonta

Curs

Curs da l'associaziun **Construcziun en lain Svizra** ↗

<https://bildungskalender.holzbau-schweiz.ch/de/holzbau-schweiz-portal/dienstleistungen/bildungskalender/kurssuche/>

Emprendissadi supplementar

Sco lainaria e lainari AFQ pos ti per regla far in emprendissadi scursanì da scrinaria u scrinari AFQ, dissegnadra u dissegnader AFQ ubain installatura u installatur d'implants solars AFQ.

Examen professiunal (EP)

- Polier / Poliera da construcziun da lain EP
- Capolavurer / Capolavurera da construcziun en lain EP
- Spezialist / Spezialista da lain EP

Examen professiunal superiur (EPS)

- Impressari / Impressaria da laina EPS

Scola spezialisada superiura (SSS)

- Tecnicist / Tecnica da lain dipl. SSS construcziun en lain
- Manader / Manadra da construcziun en lain SSS

Scola auta spezialisada (SAS)

- Bachelor of science en tecnica da lain

Tut tenor la scola auta spezialisada valan differentas cundiziuns d'admissiun.

Professiuns sumegliantas

Professiun

Resgiader / Resgiadra en l'industria da laina AFQ

<https://www.berufsberatung.ch/de/rm/professiun/resgiader-resgiadra-en-l-industria-da-laina-afq>

Professiun

Cuvratetgs AFQ

<https://www.berufsberatung.ch/de/rm/professiun/cuvratetgs-afq>

Professiun

Tschentapalantschieus-tschentaparchets AFQ

<https://www.berufsberatung.ch/de/rm/professiun/tschentapalantschieus-tschentaparchets-afq>

Ulteriuras infurmaziuns

Swissdoc Nummer

0.430.26.0

TODO

Holzbau Schweiz

<https://www.holzbau-schweiz.ch/de/>

TODO

<https://www.becc.admin.ch/becc/public/bvz/beruf/show/30303?lang=de>